

卷五



書名 錦繡萬花谷前集四十卷 嘉靖十五年序錫山秦汴
 鑪石書堂刊本後修
 撰者 宋 闕名 撰
 卷 卷五
 內容分類 子-類書-彙考-宋
 索書號 大木-子部-類書類-31
 編號 C5924800

彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木-子部-類書類-31
漢籍善本文影像資料庫文本 錦繡萬花谷前集四十卷 嘉靖十五年序錫山秦汴鑪石書堂刊本後修

版權所有: 東京大學 東洋文化研究所
使用上的注意事項

萬花谷前集卷之一



天
 虎豹虎豹九關啄害下人此重虎豹九關言天門九重
 天圓如倚蓋地方如碁局天旁轉半在地上半在
 日月本東行天西旋入于海牽之以西如蟻行磨
 左旋蟻右行磨疾蟻遲蟻不得不西出晉天文志吳王蕃傳
 左界銀漢河漢水之精發而浮上宛轉隨流名曰天河
 漢詩疏亦名銀潢謝莊月賦斜漢左界北陸南
 銀灣出許洞詩亦曰銀浦出李賀詩
 神異經東北大荒中有金闕高千丈上有明
 一丈光照千里中有金階兩闕名天門出杜詩注
 通明玉帝殿名常有紅雲捧之坡詩云侍臣鵠

0 1 2 3 4 5 6 7 8 9 10 1 2 3 4 5 6 7 8 9 10



錦繡萬花谷前集卷之五

地

碁局天圓如倚盖。地方如碁局。天周於外地。如卵黃焉。

鷄子中黃天如鷄子。地如鷄子中黃。居於天內。天大而

地小。表裏有水。四海之表。浮於元氣之上。天地各乘元

氣。載水而行。晉志

坐大船地常動。右轉。譬人在大舟中。閉牖而坐。舟行而

人不覺。河圖括地

地軸春秋括地象云。地有三千六百軸。

禹步四極諸子稱地東西九十萬里。南北八十五萬里。

日月所照三十五萬里。地乃過日月之表。近為虛誕。山

海經稱禹使章亥步東極至西垂二億三萬三千三百



里文使堅亥步南極至北垂二億三萬三千五百里後
注文志

二億三萬餘里八極之廣東西南北相去各二億三萬
餘里自地至天半八極之數晉書地理志

山嶽附石

岱宗泰山一名岱宗王者受命易姓報功告代於其上
岱者代也白虎通義

衡山五峯芙蓉紫蓋石廩天柱祝融

日觀太山東南名曰日觀鷄一鳴時見日出秦觀者望

見長安吳觀者望見會稽周觀者望嵩山見黃河如帶

天門登泰山凡五十餘盤東上七十里經小天門大天

門仰視天門如穴中視天牕並泰山記

衡山有祝融峰詩云一千里地盡皆見七十二峰

中最高青瑣

崑崙山萬一千里水經云崑崙山去嵩高五萬里其高

一萬一千里又仙傳拾遺云西王母居崑崙之圃閼風

之苑有城三千里玉樓十二左帶瑤池右環翠水又十

洲記崑崙山有三角一角正北名閼風嶺一角正西名

玄圃臺一角正東名崑崙宮王母居焉

天台山四萬八千丈李太白天姥吟云天姥連天向天

橫勢支五嶽掩赤城天台四萬八千丈對此欲倒東南

傾

黃山四千仞送人歸黃山白鵝峰云黃山四千仞三十

二連峰丹崖夾石柱函蓄金芙蓉並白集

九華山青陽縣南有九子山高數千丈有九峰如蓮花
按圖徵名無所依據予乃削其舊號加以九華之目傳
之將來李白集

天目山在湖州安吉縣其高三萬
六千丈勢連錢塘樂史寰

羅山浮山合體故稱羅浮在魯城博羅二
縣之境高三千丈有七十石室七十長溪名耀真天記
云山高三千六百丈周回二百七十七里羅山也浮山
乃蓬萊之別島堯時洪水浮至依羅山而止故曰羅浮
文見東風

崆峒山有三其一在臨洮一在安定一在汝州寰

記

蜀王本紀云大為蜀王生五丁力士能徙山秦王
獻美女於蜀王蜀王遣五丁迎女見一大蛇出穴中五
丁共引蛇山崩秦王女皆化為石

秦皇鞭石秦始皇在石橋欲過海觀日出有神人能驅
石下海石去不速神輒鞭之石皆流血又云始皇以術
召石石自行至今皆東首三齊畧

望吳閭門白馬孔子與顏回俱上泰山孔子望吳閭門
外有繫白馬引顏淵以指之若見吳閭門乎顏淵曰見
之有若繫練之狀孔子撫其目而止之因與俱下顏淵
髮白齒落遂以病死論衡

雲根唐人多使雲根為石以雲觸石而生白樂天天竺
石詩云下擔拂雲根東坡亦有詩云東麓雲根露芽角

注詩

山骨退之之聯句巧匠琢山骨剝中事煎烹謂石鼎也

溪中骨山谷詩車載溪中骨推排若差肩

湖嵌韓文瀟碧遠輸委湖嵌費携擎瀟碧謂竹也湖嵌謂石也

江琢蘇詩坡公寄石斛恠石詩云山骨裁方斛江琢拾

淺灘清池上几案碎月落盃盤江琢碎月言恠石也

海

歸墟渤海之東不知幾億萬里有大壑焉實為無底之

谷名曰歸墟八紘九野之水莫不注之列子

沃焦沃焦在碧海之東有石濶四萬里厚四萬里居百

川之下尾故又名曰尾閭山海經堯時十日並出堯使

羿射九日落為沃焦莊子

南史王融作海賦文辭詭激以示顧愷之

愷之曰此賦實超玄虛但恨不道鹽耳即注曰漉沙構

白熬波出素積雪中春飛霜暑路本傳

阮昌齡一筆成文其警句云收碣石之宿

霧斂蒼梧之夕雲八月靈槎泛寒光而靜去三山神圃

湛清影以遙連絡賢詩

碧海東方朔十洲記東有碧海廣狹與東海等水不鹹

苦正作碧色扶桑山在碧海中

青海杜詩青海無傳箭天山早掛弓

海市登州海中時有雲氣如宮室臺觀人物車馬歷歷

可見謂之海市歐公使河朔過高唐縣夜有鬼神自空

中過人馬之聲可辨父老云二十年前晝過亦彷彿見

人物謂之海市筆談

海外諸國南州皆岸大海多洲島飄風一日踔數千里漫不見蹤跡其海外雜國若耽浮羅流求毛人夷亶之洲林邑扶南真臘于陀利之屬東南際天地以萬數或時候風潮朝貢蠻胡賈人舶交海中若嶺南帥得其人則外國之貨日至韓文送鄭序

潮

日激水而潮生日傳于天天右旋入海而日隨之水因其灼激而退退于彼必盈于此則潮之往來不足恠也日激水而潮生月離水而潮大地浮於水天在水外日入則晚潮激於左日出則早潮激於右文粹

天摩氏云天河從北極分為兩條至於

南極其一經南斗中過其一經東斗中過兩河隨天轉入地下過而下水相得又與海水合三水相蕩而天轉之故激湧而成潮水抱朴子

錢鏐以弓弩射潮頭吳越王錢鏐嘗以弓弩射潮頭與海神戰自爾水不近城東坡詩云江神河伯兩醯鷄海若東光氣吐霓安得夫差水犀手三千強弩射頭低

子胥乘素車為潮神吳子胥死戒其子投於江中吾當朝暮乘潮以觀吳之敗自是海門山潮頭高洶湧數百尺越錢塘漁浦方漸低小潮暮再來其聲震怒雷奔電激聞百餘里時有見子胥乘素車白馬在潮頭之中因立廟以祠之

夏潮大冬潮小潮者據朝來也言夕至也一月之中天

再東再西故潮水再大再小又夏時日居南宿陰消陽盛而天高一萬五千里故夏潮大也冬時日居北宿陰盛陽消而天卑一萬五千里故冬潮小也春日居東宿天高一萬五千里故春潮漸起也秋日居西宿天卑一萬五千里故秋潮漸減也抱朴

杏潮早潮下晚潮上兩水相合謂之杏潮

陵山觸屏又曰濤水者潮取物多者其力盛來遠者其

勢大今潮水從東地廣道遠陵山觸岸從直赴曲其勢不泄故涌起成濤並番禺記

詩八月十八潮壯觀天下無鯤鵬水擊三千里組練長驅十萬夫○海上濤頭一線來樓前指顧雪成堆從今朝上君須認更看銀山二十回

川瀆

水滸無名山唐永泰中李湯任楚州有漁人釣龜山下入水見大鐵鎖盤繞山足湯命漁人加五十牛曳之見一獸狀如青猿觀者奔走後公泛洞庭得古獄瀆經云禹理淮水驚風迅雷禹怒獲淮渦水神名無支祈受之庚神庚神鎖之置龜山之下觀異聞

河河之上流由洪濟梁西南二千里水益狹

春可涉秋夏乃勝舟其南三百里三山中高而四下曰

紫山古所謂崑崙者也東距長安五千里河源其間流

澄緩下稍合衆流色赤見行益遠他水并注則濁河源

南北直莫賀延尾蓋劔南之西唐劉元鼎所見如此吐

蕃傳

淮水絕王氏滅
王道初仕郭璞筮之曰淮水絕王氏滅
四百本傳

穎水濁灌氏汝陰人陂池田園行穎水穎水兒
歌曰穎水清灌氏寧穎水濁灌氏族

自西陵至江都五千七百里疆界雖遠必爭之地不過
數四猶人有六尺之軀其護風寒亦數處爾

孫權嘗曰呂岱步陟說北人欲以布囊盛
土塞江每讀此表令人連日失笑初學記云

湖

禹貢謂之震澤周官謂之具
區史謂之五湖以周圍五百里故謂五湖又名震澤又

名太湖發湖州長興縣界入常州晉陵界又入無錫界

晉陵之東入蘇吳縣界廣三萬六千頃下有地道潛通

亡陵龍威丈人之所居也又或稱洞庭十道記

洞庭青草洞庭湖西岸有沙洲堆阜隆起即青草廟下

一湖之內中有此洲南名青草北名洞庭所謂重湖也

張舜南選錄

宮東漢時廬山有神與人語言飲酒投盃能

湖中分風船行舉航相逢樂巴為豫章太守未

到十日廟問神不復作聲本

臨安

龍飛鳳舞郭璞有議云天目山前兩乳長龍飛鳳舞到

錢塘海門兩點蛾眉在五百年生異姓王自東晉迄五

代錢錄適當其年

鷲峰 月缺霜濃細蕊乾此花元屬桂堂仙鷲峰子

落驚前夜蟾窟枝空記昔年東坡以桂花分贈楊綸鞋

仙廬城天竺山昔有梵僧云此山自天竺鷲峯飛來八月十五日夜嘗有桂子落蟾窟指楊綸及第也坡詩

金堂玉室 許邁遺王羲之書云自山陰南至臨安多有

金堂玉室左元放之徒在焉坡注

錦谿 錢鏐宴故宅山林皆蒙以錦故有錦谿又有石鏡

鏐照之鏡起而聳臨安志

衣錦城 唐昭宗升錢鏐營為衣錦城石鑑山曰衣錦山

鏐宴故宅林皆覆以錦又號其幼所嘗戲大木曰衣錦

將軍五代史

石鏡 臨安淨土寺前有石鏡錢鏐布衣時嘗照鏡鏡起

而聳

陌上花 吳越王妃每歲春必歸臨安王謂妃曰陌上花

開可緩歸吳人用其語為歌其詞東坡為易之其一曰

陌花開時蝴蝶飛江山猶是昔人非遺民幾度垂垂老

遊女長歌緩緩歸坡詩

還鄉歌 錢鏐為鎮東軍節度使封吳越王唐昭宗詔以

所居為衣錦城大官山曰功臣山鏐宴故老作還鄉歌

曰三郎還鄉兮衣錦衣父老遠來相追隨斗牛無索人

無欺吳越一王駟馬歸坡功臣等

天竺寺 白樂天天竺寺詩云一山門作兩山門兩寺元

從一寺分西澗水流東澗水南山雲起北山雲前臺花

發後臺見上界鍾清下界聞遙想吾師行道處仙花桂

子落紛紛 本集

靈隱寺 宋之問遊靈隱寺夜吟曰鷲嶺鬱巖峩龍宮隱

寂寥久不能續有老僧坐禪曰何不道樓觀滄海日門
對浙江潮桂子月中落天香雲外飄捫蘿登塔遠剝木
取泉遙霜薄花更發冰輕葉互凋待入天台路看余渡
石橋遲明僧不見人以爲駱賓王也 古今詩話

夢謝亭 白樂天詩夢兒亭古傳名謝歌妓樓新道姓蘇

州西靈隱寺山上有夢謝亭即杜明甫夢謝靈運之所因名夢兒山白集

夢遶吳山却月廊楊梅盧橘覺猶香 杭州梵天寺有月廊

數百間多楊梅

西湖天下景遊者無愚賢淺深隨所得誰

能識其全三百六十寺幽尋遂窮年所至得其好心知

口難傳坡詩

積湖築堤 杭州西湖南北三十里環湖往來終日不達

東坡治葑田積湖中爲長堤以通南北又云已打量葑田二十五萬餘丈 墓誌

蘇公堤 杭州本江海之地水泉鹹苦唐刺史李泌始引

西湖水作六井民足於水及白居易復浚西湖淤水入運河自河入田所溉至千頃然湖水多葑久廢開治至

是積二十五萬餘丈而水無幾矣運河失湖水之利取給於江潮潮濁多淤河行闌闌中三年一淘爲市井大

患而六井亦幾廢子瞻至浚二河以茅山一河受江潮以鹽橋一河受湖水復造堰閘以爲湖水蓄洩之限然

後潮不入市且復修六井又取葑田積湖水爲長堤以

通南北杭人名其堤曰蘇公堤墓誌

詩望海樓明照曉霞護江堤白耀晴沙濤聲夜入伍員

廟柳色春藏蘇小家紅袖織綾誇柿蒂青旗沽酒聽梨

花城東樓名望海俗號酒名梨花春餘杭形勝四方無州傍青山縣枕

湖遶郭荷花三十里拂城松樹一千株夢兒亭古傳名

謝歌妓樓新道姓蘇樂天錢塘江北百餘里漲沙不復生

菰蒲沙田老桑出葉麓江湖打根根半枯八月九月秋

風惡風高駕潮晚不落鼓聲鼔鼔艫咿啞爭湊富春城

下泊晁无樓觀滄海日門對浙江潮桂子月中落天香

雲外飄王賔燈火萬家城四畔星河一道水中央樂天門

前碧浪家家海樓上青山寺寺雲陳堯佐鎮長錦繡花邊

日堆疊琉璃水面風范堯夫水光歛灩晴方好山色空濛

雨亦奇欲把西湖比西子淡粧濃抹總相宜東坡日暖梨

花催美酒天寒桂子落空山歐公

蘇州

虎丘吳王闔廬葬國西銅棺三重水銀為池金玉為晷

鴈扁諸之劍三千方圓之劍三千繁郢魚腸之劍在焉

葬後三日金精之氣上揚化為虎據其墳故號虎丘

蛇門闔閭內傳云立閭門者以象天門通閭闔風立蛇

門者以象地戶並吳越春秋

姑蘇臺越絕書曰闔閭起姑蘇臺三年聚材乃成高見

三百里

閭闔城吳王闔廬使伍子胥相土嘗水象天法地築為

大城四十里小城十里開八門以象八風吳郡圖

觀風樓飛雲閣 白樂天於西樓命宴齊雲樓晚望皆有
詩西樓今之觀風樓也齊閣也圖經

潤州

狼石潤州甘露寺有石如羊名狼石相傳諸葛孔明與
孫權坐此以謀曹公坡注

萬歲樓潤州城南有樓名萬歲俗傳樓上煙出刺史即
死不死即罷開元後董琬採訪居此州盡日煙出刺史
憂愁至死乾元中又煙出有史密俟之就視乃蚊子樓
中有井小蟲黑色而小作團而上遙見類煙從此無慮

廣記

四雄甘露寺有狼石諸葛亮孫權坐此謀曹公又有二
鐵鑊梁武帝所鑄李德裕祠堂坡詩云四雄皆龍虎遺

不刊

北固潤州城西有嶺入江高數十丈三面水照號曰

北嶺蔡君謨起樓其上武帝升之乃曰此嶺不足須固
守京口實乃壯觀遂改曰北固故詩云北固樓前一笛

風碧雲飛入建昌宮

戴公山戴顓世居剡下又徙居京口止黃鶴山宋文帝

欲見之嘗謂黃門曰吾東巡之日當宴戴公山下南史
詩兩州城郭青煙起千里江山白鷺飛○三峽江聲流

筆下六朝山影滿樽前蘇雄風捲碧綠畫角吊黃昏一
帶分江汜雙峯點海門韓持雲捧樓臺從天上風飄鐘

磬落人間銀河倒瀉分雙月錦水西來轉幾山楊金山
沓在滄溟中雲崖氷柱浮仙宮乾坤扶持自今古日月

彷彿躔西東寒蟾八月滿瑤海秋光上下磨青銅鳥飛
不盡暮天碧魚歌忽斷蘆花風鄒正萬古波心寺金山
名日新天多剩得月地少不生塵過槽妨僧夢驚濤滅
佛身誰云張處士題後更無人蘇海山亂點當軒出江
水中分遠檻流天遠樓臺橫北固夜深燈火見揚州楊
樓臺影落魚龍駭鐘磬聲來水石寒日暮海門飛白鳥
潮回瓜步見黃灘王天末海門橫北固煙中沙岸似西
興王介僧依玉鑑光中佳人在金鰲背上行鱗水光浮
柱礎天影帶樓臺觸石雲孤起吹潮雨四來石曼山分
江色破潮帶海聲來范仲淮船分蟻點江市聚蠅聲徐
濤頭風雪裏山脚石蟠虬女仙

秀州

携李 吳王闔閭伐越越王迎擊之携李越使死士挑戰
三行造吳師自到吳師觀之越因伐吳敗之姑蘇携音
醉在嘉興縣有携李城今秀州也史記

湖州

太湖 事見湖門

苕溪 苕水出浮玉山又云霅水苕水之別名大率

一米二名皆在湖州寰宇記

又坡詩注苕溪四水之一名四水合為一溪曰苕溪曰
前溪曰餘溪曰霅溪

白蘋洲 柳惲為吳興守詩曰汴洲採白蘋日晚江南春

因此得名坡詩

弁峰 霅水未渾纓可濯弁峯初見眼應明弁峯湖州山名坡詩

松江

一名笠澤出太湖東北入海

吳郡圖

崑山

在本縣西北又在華亭晉陸機與弟雲生於華亭以文為世所貴時人比之崑岡出玉故此山得名

水晶宮

吳興集刺史楊漢公傑九月十五日夜絕句云江南地暖少嚴風九月炎涼正得中溪上玉樓樓上月清光合作水晶宮吳興因此謂之水晶宮

茗溪詩

雪宮

坡詩不見飛蚊如立豹請垂白馬過垂虹吟哦相對忘三伏擬泛冰溪入雪宮

謂湖州

金沙泉造茶

湖州長城縣啄木嶺金沙泉每歲造茶之所居常無水湖常二郡守至境具牲祭泉其夕清溢造御茶畢其水即微減太守造畢即涸

張君房

駱駝橋

唐垂拱中作駱駝橋以形似駱背名之

東坡詩

垂虹橋

吳江有橋慶曆八年縣尉王庭堅所建東南千餘尺縈以修欄甃以淨壁瓦前臨具區橫截松陵湖光海氣蕩漾一色橋有亭名曰垂虹云蘇子美有詩是也

洞庭

水經云有洞室入地潜行北通琅玕東武俗謂之洞庭

杜牧尋春遲

杜牧聞湖州奇麗往遊之因見一女子期之曰吾不十年來守此郡從所適洎牧守湖女已從人三年矣牧因賦詩曰自是尋春去較遲不須惆悵怨芳時東風落盡深紅色綠葉成陰子滿枝

詩餘

杭自是水仙窟似聞吳興更清絕湖中橘林新着霜溪上茗花正浮雪顧渚茶芽白於齒梅溪木瓜紅勝

頰

吳兒膾縷蕩欲飛未去先說饒涎垂亦知謝公到郡

久應恠杜牧尋春遲東坡若溪清淺雪溪斜碧玉寒光照
萬家誰向月中終夜聽洞庭漁笛隔蘆花陳堯佐題雪
溪景物見歌詩只有當年杜紫薇沽酒店穿斜巷出採
蓮船傍後門歸翠沾城郭山千點清蘆樓亭水一圍鮑秀老

常州

菴畫溪古云常州陽羨三湖九溪地志云今只有六溪
其三溪不知其處六溪之中有荆溪首受蕪湖東至陽
羨入海浙俗呼為菴畫溪坡詩

惠山泉劉伯芻論水以楊子江為第一惠山石泉為二
李秀卿論水廬山康王谷水第一無錫惠山泉第二凡
三十六種集乙

瀟瀟堂常州無錫縣惠山寺有瀟瀟堂

越州

禹以會稽名郡越州會稽郡禹揚州之域春秋屬越國
春秋元命苞牽牛流為揚州分為越國吳志會稽連南
山萬里北帶浙江吳越春秋禹巡行天下歸還大越會
稽修國之道以會稽名郡云志十項

沃州山天姥峯東南山水越為首刻為面沃州天姥為
眉目沃州山剡縣南三十里天姥峯之陰南對天台北
對四明謝靈運詩暝投剡中宿明登天姥峯朱放詩月
在沃州山上人在剡溪江邊文粹

鏡湖會稽山陰編戶三萬號為天下繁劇王羲之每行
山上如鏡中遊獻之曰望鏡湖清流注瀉乃天下山川

之美使人應接不暇計道

禹穴司馬遷南遊江淮上會稽探禹穴張宴白禹巡守

至會稽而崩因葬焉上有孔穴或云禹入此穴史記

苧羅山越州諸暨縣苧羅山有東施家西施家西子姓

施而在西者越王以獻吳王其後竟以滅吳小牘

若耶溪南北風射的山南白鶴山為仙人取箭鄭弘採

薪得一箭有人見而取之鄭弘還之問何所欲弘識其

神人也曰常患若耶溪載薪為難願旦南風暮北風後

果然故若耶溪風至今為然呼為鄭公風本傳

蓬萊閣越州號蓬萊元徽之守越以州宅誇白樂天云

我是玉皇香案吏謫居猶得在蓬萊今越州有蓬萊閣

因元立名及以名酒也坡詩

若耶溪雲門寺在越州會稽縣南杜詩

王尊曰毋持布鼓過雷門雷門謂會稽有大鼓擊之聲聞各陽漢書

千巖萬壑人問顧凱之越州山水曰千巖競秀萬壑爭

流

明州奉化郡

四明山四明山二百八十峰洞周回一百八十里山有

四門通日月星辰光故名四明

營窟孫仲益尺牘云四明二湖之勝而新築領其要頃

見曾南豐集記廣德湖俗所謂鶯脰者今墾而為田矣

南豐集

台州天台臨海郡

應台星天台赤城山高一萬八千丈周回五

百里上應台星故曰天台洞天福地記

赤城山赤城山色赤狀似雲霞故天台賦云赤城霞起以建標會稽記

玉霄峰天台山有玉霄峰唐司馬子微所居之處

金庭宮按仙經桐柏山金庭宮一名天台山周靈王太子得道為桐柏真人治金庭宮云

國清寺豐干禪師居國清寺乘虎入松門衆驚後於天台山示滅

寒山拾得寒山者始豐縣有寒明二巖以居寒巖中得名時往國清寺就拾得取僧殘食食之拾得者因豐干行山中見一兒可數歲孤棄豐干携至國清寺名拾得在厨内滌器嘗日齋畢澄溢食滓寒山來即負之而去

閻丘公出牧豐干造之閻丘乞一言豐干曰到任記

文殊普賢曰二菩薩安在師曰國清寺洗器者寒山拾得是也閻丘尋至寺問寒山拾得是何人有僧對曰二人現在厨執役閻丘訪之不覺致拜二人連聲叱咄曰

豐干饒舌二人自此相携出松門閻丘又至寒巖禮謁二人高聲喝之便縮入巖石縫中忽然縫合雜傳燈錄

婺州

天文婺女名郡東陽郡禹貢揚州之域春秋為越之西

界秦屬會稽漢初置荆吳二國郡國志婺州正得東越之地屬會稽為東陽州吳寶鼎元年始分會稽置東陽郡隋平陳為婺州蓋取地為天文婺女之分野異苑志

陳陽頰烏以純孝著名群烏助銜土成墳烏口皆傷一

境以爲至孝所致因以縣名烏傷十道志

温州

郡國志又爲東國十道志永嘉郡會稽之東境也漢永
建四年置永寧縣郡國志永嘉爲東甌鬱林爲西越斯
地蠶一年八熟

鴈蕩山自古圖史不載鴈蕩山按西域書云按諾矩羅
居震旦東南大海際鴈蕩山唐貫休詩云鴈蕩經行雲
漠漠龍湫宴坐雨濛濛其上有經行亭宴坐峯後人以
休詩名之話合詩

衢州

衢山名州十道志衢州信安郡土地所屬與婺州同
唐武德四年李子通於信安縣始置州西有三衢山因

以爲名輿地志後漢獻帝初平三年分太末縣立新
縣晉康元年弘農有新安改名信安左傳越伐吳王孫
彌庸觀越見姑蔑之旗杜預注今云東陽大蔑縣是此
春秋東陽
太末也

處州

圖經古縉雲之墟圖經縉雲郡古縉雲之墟也秦爲會
稽郡漢初爲東甌地後以爲台州回浦縣光武更名章
安晉分爲永嘉郡輿地志永嘉郡本會稽東部地晉明
帝大寧元年分臨海等五縣立永嘉郡圖經麗水縣有
惡道中有突星湫靈與弟書曰聞惡道溪中九十九里
有五十九灘永嘉記曰右軍遊惡道嘆其奇絕遂至突
星湫靈吳地記松陽縣在南臨大溪有松樹大八十一

圍中空可容三十人坐取此以為名永嘉記曰青田縣有草葉似竹可染碧名為竹青此地所豐故名青田浮丘公相鶴經曰青田之鶴

建康 建鄴金陵秣陵皆建康也

王氣本名金陵秦時望氣者曰東南有天子氣五百年有王者興始皇遂東遊以厭之改金陵為秣陵孫權又改為建鄴至晉元帝適當其時

龍蟠虎踞諸葛孔明謂吳帝曰鍾山龍蟠石頭虎踞真

帝王都也寰宇

楊蟠詩猿驚鶴怨不知處虎踞龍蟠空見山

猿驚鶴怨蔣山二名之夕口翰苑名談

建安十六年改秣陵曰建鄴孫權改後十七年

又改石頭城

地肺陶隱居真誥云金陵者勾曲之地肺也水至則浮故曰地肺

三茅君三秀山茅濛字物先是有謠曰神仙得者濛初

成繼世而往在我盈濛之孫盈字叔漢地節中得道於

金陵勾曲山受金匱九錫之命為司命真君邦人改勾

曲為茅君山洞仙傳又掇遺又神仙傳大茅君名盈次名

固次名衷老君拜盈為司命真君固為定錄真君衷為

保生真君故號三茅君又真誥注有大茅山中茅山小茅山

三閣陳後主寵張麗華起迎春結綺望仙三閣並復道

往來

西州門江寧府有東府城城中有揚州廨在府西故時

人謂之東府西州而東府之西門謂之西州門又云會稽王道子第在東府城之東謝安薨以道子代領揚州揚州在第四故時人號為東府西州坡詩

白下縣 白下縣故城在上元縣城西本江乘縣白石

壘吳都賦 長干延李善注云江東謂山岡門為干建南有長干寺城東門有白下亭是也屬南有山間平地故曰干今城

芙蓉堂 王荆公罷相知金陵作詩曰投老歸來一幅巾

君恩猶許備藩臣 芙蓉堂下疏秋水聊與龜魚作主人

東軒筆錄

詩 山圍故國周漕在潮打空城寂寞回淮水東邊舊時

月夜深還過女墻來臺城六代競豪華結綺迎春事最

奢萬戶千家成野草只緣一曲後庭花臺王濬樓船下

益州金陵王氣黯然收千尋鐵鎖沉江底一片降幡出

石頭荒苑至今生茂草古城依舊枕寒流如今四海歸

皇化兩岸蕭蕭蘆葦秋並劉禹錫玉樹歌沉王氣終景陽兵

合曙樓空梧楸遠近千家塚黍稷高低六代宮石燕拂

雲晴亦雨江豚翻浪夜還風英雄一去豪華盡惟有江

山似洛中驩詩

宣州

宛水昭亭 宛水昭亭山谷詩試說宣州郡停盃且細聽

晚樓明宛水春騎簇昭亭秔稔豐外戶桁楊臥訟庭謝

公歌舞地時對換鵝經宣州即漢之宛詩話

打鴨驚鴛鴦 呂士隆知宣州好官妓適杭州一妓到

士隆喜之一日郡妓復小過士隆欲答之妓曰某不敢

辭但杭妓不安士隆捨之梅聖俞作莫打鴨詩曰莫打鴨打鴨驚鴛鴦鴛鴦新向池西落不比孤洲老鴟鴞

作禿魏秦詩話

徽州 **因晉孔愉故名新安郡歙州新安郡屬揚州春秋時屬**

越秦屬丹陽郡漢志黟縣屬丹陽郡浙江出焉師古曰晉孔愉字敬宗會稽人永嘉之亂避地入新安山谷以稼穡讀書為業信著鄉里後奄忽而去人皆以為神為立廟孔靈村梁書任昉為新安守諷楓香二石始入三兩便止不欲遺之後人及下任昉惟有桃花米二十石圖經曰歙州婺源縣本晉休寧縣東陽記上應婺女星故名十道志

饒州 鄱陽郡

餘干白雲亭唐劉長卿字文房為隨州守題餘干東齋

亭云世事終無夢生涯為半過白雲心已矣滄海意如何後人立白雲亭山谷題云曩誰築孤城勝日有感遇未懷知隨州因榜白雲句黃詩

饒州吳時長沙大饑殺人無數孫權使趙達占之曰

天地川澤相通如人四體鼻衄灸脚而愈今餘干水口嘗暴起一洲形如鱉食彼郡風氣可掘去權遣人斷其背饑遂止其水在饒州餘干縣洽聞

干越亭饒州餘干縣有干越亭前瞰琵琶洲後枕思禪

寺林麓森鬱干峯競秀張祐題云扁舟亭下駐煙波十五年遊從此過洲前露沙人渡淺風梢藏竹鳥啼多層

欄。張水痕猶在古板題詩字已訛。况是高秋正圓月。可堪聞聽異鄉歌。文公談苑

楚州 山陽

壽州 壽春

廬州 廬江

海州 海陵

和州 歷陽

濠州 渦口

隆興

隋平陳為洪州。豫章禹貢揚州。春秋吳秦九江郡。漢豫

章。隋平陳為洪州。志道

城東十三里。縣列江邊。名慨口。豫章大江之口也。

昌邑王每乘流東望。輒憤慨而還。故謂之慨口。後地理

豐城寶劍。斗牛之間。張華傳云。杓吳之未滅。牛斗之間常

有紫氣。術者以為吳方強盛。惟張華以為不然。及吳平

紫氣愈明。華聞豫章人雷煥。妙達緯象。乃邀煥同登樓

何望煥曰。斗牛之間。頗有異氣。華曰。是何祥也。曰。寶劍

之精。上徹于天耳。華問在何郡。曰。在豐城。華即補煥為

豐城令。掘獄屋基入地四丈餘。得石函。中有雙劍。一曰

龍泉。二曰太阿。其夕斗牛間不復見氣焉。

陳蕃榻。後漢陳蕃任南昌。罕所接見。惟設一榻以待徐

穉。去則懸之。故滕王閣記云。人傑地靈。徐孺下陳蕃之

榻。

贛州

隋平陳為洪州。南康郡。春秋吳秦九江郡。漢為贛縣。屬

豫章。後漢興平二年。分豫章廬陵郡。而贛縣屬焉。晉大

康二年。立南康郡。隋平陳立虔州。以虔化水而得名。又

曰南康縣。本漢南野縣。吳錄南野縣有大庾山九嶺嶠。



通廣泉十道志

孔周翰守虔以八境圖寄東坡求詩坡為賦八首
鬱孤臺章貢臺白鶴樓阜蓋亭塵外亭

謝端鈞於江上獲巨螺置之於家每歸則飲食
盈按潛侯之有女子具饌於室執而問焉女曰我乃螺
女水神天帝憫君之孤遣為具食我亦當去乃留空螺
曰君有所求取於螺出門不見後端食乏探螺皆如意
傳數世猶在故有螺女洲螺女廟在虔州東南坡詩

袁州

宜春屬楊春秋吳秦屬九江郡漢為豫章
郡之宜春縣晉武改宜陽隋平陳分洪州宜陽立袁州
吳錄宜春縣出美酒每歲上貢賦計吏

吉州

吉陽山名郡吳越戰國楚秦併天下屬九江南部都
尉漢為廬陵縣屬豫章雷次宗豫章志獻帝初平二年
始立郡圍經隋平陳改廬陵郡為吉州以吉陽山為郡
名並十道志

撫州

隋平陳置州臨川郡禹貢揚州春秋吳地秦九江郡漢
立南昌縣後漢分南昌立臨汝縣吳太平二年分豫章
之臨汝南城縣立臨川郡即今州也隋平陳置撫州晉
王羲之為臨川內史宅於郡城東偏荀伯子臨川記曰
右軍故宅其地爽塏山川若畫每重陽日二千石多萃
於斯舊宅及墨池猶存漢地理志高帝六年大將軍灌

嬰立洪州其年分洪州南境之南城縣以其在郡城之南故曰南城計道

江州

宮亭湖廬山南臨宮亭湖西南有雙闕壁立千餘仞有瀑布焉後地理志

琵琶亭詩夜泊潯陽宿酒樓琵琶亭畔荻花秋雲沉鳥沒事已往月白風清江自流

吏隱白居易江州司馬廳記曰郡南樓山北樓水湓亭百花亭風篁石巖瀑布廬宮源潭洞東西二林寺泉石松雪司馬廳盡有之苟有志吏隱舍此何求焉職常分紀

錦繡萬花谷前集卷之五

錦繡萬花谷前集卷之六

西京

聖祖誕聖西京應天寺本後唐夾馬營大中祥符二年以太祖誕聖之地建寺銘名後奉祖宗神御揮塵錄

五相西洛有五相隣居詩賡和文潞公富韓公弼王相二張相也故諺云吾鄉有宰相坊貞瑣

揚州

三十六英雄揚行密起合肥所與起事者劉威陶雅之徒號三十六英雄後都揚州徐溫傳

嘉祐中揚州有一珠甚大初出于天長縣陂澤中後轉入甓社湖後又入新開湖中九十餘年常常見之珠大如拳爛然不可視十餘里間林木皆有影如